



四叔中秋 溫哥華上香



馮景禧、郭得勝和四叔李兆基（左起）感情好好，有「三劍俠」之稱。

今年中秋，四叔特登飛往溫哥華為故人上香，念舊也。

中秋佳節，人月兩團圓。四叔李兆基有留嚟香港同家人團圓，而坐咗佢架新私人飛機直飛溫哥華。所為者何？拜祭故人也。☹️

該日佢去咗觀音寺為老友馮景禧上香，並簽咗大筆香油。二十八年之前中秋時候，馮景禧嚟溫哥華過身。草創之初，四叔同新地之郭得勝、新鴻基證券之馮景禧有三劍俠之稱。三劍俠現今只剩番四叔一人，而情義依舊，難得。😊

除咗為故人上香，當晚四叔仲同故人之子湯馬士・馮永發一家食飯賞月。臨別拎出五百蚊美金俾個侍應；唔係所有侍仔分五百蚊，而係人人五百蚊。真係唔想過個快樂中秋都難也。🙄



Give me a break 雪茄盒入門版

近期中環吹起一陣雪茄熱，就算不吸煙的，都買番幾支嚟儲吓，以示「級數」。要將雪茄保養得宜，當然要買番個靚盒收藏。做開上市公司 IR (investor relations) 嘅喬家熙，幾年前開咗公司 Jurali，生產自家製嘅 collector box，放响連卡佛寄賣，據佢講，西京投資嘅劉央都係佢客仔。

咪以為劉央用得嘅，肯定係貴嘢，原來 Jurali 出品只係萬多兩萬銀，絕對係呢類收藏盒入門版，坊間有啲盒可貴到幾十萬元。雖然話係入門版，之但係，小宗見啲盒手工相當唔錯，個個盒嘅鋼琴漆面都令立立，外面層木用非洲沙比利，雪茄盒裡面就用西班牙雪松木，打開個盒隔開一米都聞到陣木香，濕度計以及濕度

控制裝置呢啲架生，當然亦唔少得。


喬家熙話劉央之所以幫襯，全因盒面嘅胡永凱畫作。呢位北京畫家聽聞連朱玲玲都是其粉絲；而 Jurali 另一位合作嘅畫家，係馬來西亞嘅 Eng Tay，喬家熙更將佢其中一幅畫作一分為二，變成一對紅及藍色嘅錄盒。盒上面嘅畫，係先將畫作 scan 落相紙，再貼上盒面，之後成個盒吊起噴鋼琴漆，再人手打磨。最近喬家熙仲同上年嚟過海港城搞展覽嘅日本畫家 Riusuke Fukahori 傾緊，睇吓

點樣將佢世界聞名嘅立體金魚畫，crossover 响收藏盒上。由來咩都可以收藏兼炒一番嘅香港人，又有新對象！



▲這幅畫作是胡永凱專登為 Jurali 所畫，全球僅得一百個。

◀Eng Tay 的 Accompaniment IV 一分為二，藍色的榆樹木紋分外清晰。



喬家熙自家生產的收藏盒，食正近期的雪茄熱。(林文攝)

centralman@nextmedia.com
中央青華